

Studenti „Apeirona“ pomažu ugroženim u poplavama

## URUČENA POMOĆ PORODICI LALIĆ

Porodici Lalić iz naselja Budžak, kojoj je majska poplava uništila kuću, studenti Panevropskog univerziteta polovinom oktobra uručili su pomoć u iznosu od 450 konvertibilnih maraka

Predsjednik Studentskog parlamenta Univerziteta „Apeiron“ Dragan Kekić, istakao je da je ovo samo dio pomoći poplavljenom stanovništvu, jer studenti pomažu od početka poplava.

- Za ugroženo stanovništvo prikupili smo hranu, odjeću, obuću i sve ono što je u pojedinim trenucima građanima bilo potrebno u maju, kada su poplave počele. Dio pomoći smo poslali u Doboju, a dio smo podijelili Banjalučanima. Studenti su nedavno saznali za teško stanje porodice Lalić, te smo se dogovorili da im uručimo prikupljeni novac, dodao je Dragan i naglasio da će se humanitarna akcija nastaviti.

Božana Lalić još od maja sa porodicom nije u svom domu.

- Ovaj novac će nam pomoći, jer još uvijek živimo u tuđoj kući, a adaptacija za život naše vlastite mogla bi potrajati, jer nemamo sva sredstva, kazala je Božana koja je u četvoročlanoj porodici jedina zaposlena.

Banja Luka, 14. oktobar 2014.godina

Služba za odnose sa javnošću